

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

ПРЕДСТАВНИЧКИ ДОМ

PREDSTAVNIČKI DOM/ZASTUPNIČKI DOM

Комисија за борбу против корупције и клептокрације

Komisija za borbu protiv korupcije i kleptokratije

Povjerenstvo za borbu protiv korupcije i kleptokracije

Број: 01-50-3-350-2/23

Сарајево, 16. 3. 2023.

Orijentacioni radni plan

Komisije za borbu protiv korupcije i kleptokratije

Predstavničkog doma Parlamentarne skupštine Bosne i Hercegovine za 2023.

Sarajevo, mart 2023.

Na osnovu člana 49a. stav (2), a u vezi s članom 65. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19, 26/20 i 53/22), Komisija za borbu protiv korupcije i kleptokratije Predstavničkog doma Parlamentarne skupštine Bosne i Hercegovine je na 2. sjednici, održanoj 16. 3. 2023, usvojila

Orijentacioni radni plan

Komisije za borbu protiv korupcije i kleptokratije

Predstavničkog doma Parlamentarne skupštine Bosne i Hercegovine za 2023.

Komisija za borbu protiv korupcije i kleptokratije Predstavničkog doma Parlamentarne skupštine Bosne i Hercegovine (u daljnjem tekstu: Komisija) osnovana je Dopunom Poslovnika Predstavničkog doma Parlamentarne skupštine Bosne i Hercegovine, koja je usvojena na 31. sjednici Predstavničkog doma Parlamentarne skupštine Bosne i Hercegovine, održanoj 27. 7. 2022. ("Službeni glasnik BiH", broj 53/22).

Tokom 2023. Komisija će:

- razmatrati sve prijedloge zakona, izvještaje institucija sa stanovišta borbe protiv korupcije i kleptokratije i druge akte koje Kolegij Predstavničkog doma Parlamentarne skupštine Bosne i Hercegovine dostavi Komisiji, u skladu s njenom nadležnošću, propisanom u članu 49a. Poslovnika Predstavničkog doma Parlamentarne skupštine Bosne i Hercegovine;
- provoditi parlamentarni nadzor te pratiti aktivnosti i razmatrati pitanja koja se odnose na Agenciju za prevenciju korupcije i koordinaciju borbe protiv korupcije, a u skladu sa Zakonom o parlamentarnom nadzoru;
- u skladu sa svojim nadležnostima, saradivati s pravosudnim institucijama i organima za provođenje zakona na nivou Bosne i Hercegovine na polju borbe protiv korupcije i kleptokratije kao i sa sličnim komisijama i parlamentarnim tijelima drugih zemalja i međunarodnih organizacija, GRECO-om, te stranim zvaničnicima po pitanju borbe protiv korupcije i kleptokratije;

- razmatrati izvještaje Ureda za reviziju institucija Bosne i Hercegovine o finansijskoj reviziji institucija Bosne i Hercegovine koja su negativna, kao i mišljenja s rezervom i mišljenja s rezervom sa skretanjem pažnje, te nerealizirane ili djelimično realizirane preporuke finansijske revizije;
- razmatrati pripreme za učešće delegacija Bosne i Hercegovine na međunarodnim skupovima koji se odnose na provođenje međunarodnih obaveza Bosne i Hercegovine na polju borbe protiv korupcije i kleptokratije, sukoba interesa, te drugih oblika koruptivnog djelovanja;
- učestvovati i organizirati konferencije i seminare koji se odnose na oblasti koje su u nadležnosti Komisije;
- organizirati radne posjete ministarstvima Bosne i Hercegovine, Tužilaštvu Bosne i Hercegovine, Visokom sudskom i tužilačkom vijeću Bosne i Hercegovine, Sudu Bosne i Hercegovine, Centralnoj izbornoj komisiji Bosne i Hercegovine, Agenciji za prevenciju korupcije i koordinaciju borbe protiv korupcije i Uredu za reviziju institucija Bosne i Hercegovine;
- organizirati posjete parlamentarnim tijelima drugih zemalja čija je nadležnost borba protiv korupcije;
- kontinuirano podsticati aktivnosti u institucijama Bosne i Hercegovine usmjerene na borbu protiv korupcije i kleptokratije;
- jednom godišnje tražiti informaciju nadležnih institucija o statusu predmeta koji su razmatrani na sjednicama Komisije kao i informaciju institucija Bosne i Hercegovine o njihovim aktivnostima na planu borbe protiv korupcije;
- razmatrati i druga pitanja iz oblasti borbe protiv korupcije i kleptokratije.

PREDSJEDAVAJUĆI KOMISIJE

Nermin Mandra